

Rapport dil meinagiug sesiun 2019

Sesiun d'interclub

Suenter il camp da trenament dils 6 – 7 d'avrel a Locarno, organisaus per la secunda gada da nossa commembra Martina Nay (bien engraziament!) havein nus saviu far diever naven dils 16 d'avrel da nos plazz da tennis ed aschia sepreparar silla sesiun d'Interclub. Quella ha entschiet ils 4/5 da matg e purtau success aber era enqual trumpada allas differentas equipas Aschuntau laschel suandar ils resultats, las tabellas da rangaziun ed in cuort commentari.

Damas 1. ligia

Puspei ina sesiun suverana dalla damas d'emprema ligia. Inagada dapli han ellas contonschiu gl'emprem plaz. Suenter duas claras victorias els emprems giugs da promoziun per far il pass ella ligia naziunala C, spiardan ei lu a casa cun 2 : 4 il giug decisiv encunter Girls RV ZH. Cordiala gratulaziun per quella prestaziun fenomenala.

Resultats

Trun	-	Panaduz	5 : 1
Rüschlikon	-	Trun	2 : 4
Sanapark Bir'dorf	-	Trun	3 : 3

Rangaziun

1.	Trun	12/ 28 - 13
2.	Sanapark	11/ 23 - 17
3.	Rüschlikon	10/ 21 - 17
4.	Panaduz	02/ 07 - 32

Promoziun

Trun	-	Cuera 2	6 : 0
Waidberg ZH	-	Trun	1 : 5
Trun	-	Girls RV ZH	2 : 4

Damas 2. ligia

Era nossas giuvnas che dattan per la secunda gada campinadi han giu grond success e terminau il campinadi sin igl'emprem plaz da tschun equipas. Cordiala gratulaziun! Il giug da promoziun ordlunder encunter Balterswil-Bichelsee spiardan ellas cun 2 : 4 suenter ina buna prestaziun.

Resultats

Trun	-	Pizol	3 : 3
Danis/Tavanasa	-	Trun	2 : 4
Trun	-	Domat	4 : 2
Lenzerheide/Lai	-	Trun	1 : 5

Rangaziun

1.	Trun	16/ 35 - 18
2.	Pizol	16/ 33 - 18
3.	Danis/Tavanasa	11/ 24 - 29
4.	Domat	10/ 21 - 30
5.	Lenzerheide/Lai	07/ 16 - 36

Promoziun

Balterswil/Biech'see	-	Trun	4 : 2
----------------------	---	------	-------

Damas 30+ 2. ligia

Suenter che las damas han contonschiu igl'onn 2018 aunc ils giugs da promoziun, han ellas quella gada stui secuntentar cun il davos plaz, quei malgrad haver battiun il capogruppa Triesen a casa cun 4 : 2! Il giu da relegaziun spiardan ei ordlunder cun 2 : 4 encunter Pardello/TI. Quei ei nuota pli tragic pertgei aschia han ei uonn ina finamira da far alla fin dalla sesiun puspei il pass en secunda ligia.

Resultats

<i>Zebras</i>	-	<i>Trun</i>	5 : 1
<i>Domat</i>	-	<i>Trun</i>	4 : 2
<i>Trun</i>	-	<i>Triesen</i>	4 : 2

Rangaziun

1.	<i>Triesen</i>	10/ 22 - 17
2.	<i>Domat</i>	10/ 21 - 18
3.	<i>Zebras</i>	09/ 20 - 18
4.	<i>Trun</i>	07/ 15 - 25

Relegaziun

<i>Pradello/TI</i>	-	<i>Trun</i>	4 : 2
--------------------	---	-------------	-------

Damas 40+ 3. ligia

La midada dalla categoria naven da 30 sin 40+ plus tier la squadra dallas damas ei veramein sepagada. Que semuossan gia ils resultats ch'ei stai fetg legreivels. Cun contonscher il tierz rang da 5 equipas ei quei stau ina sesiun fetg cuntenteivla per nossas "senioras".

Resultats

<i>Trun</i>	-	<i>Claustra</i>	2 : 4
<i>Trun</i>	-	<i>Panaduz</i>	3 : 3
<i>Flem</i>	-	<i>Trun</i>	4 : 2
<i>Grüsch</i>	-	<i>Trun</i>	3 : 3

Rangaziun

1.	<i>Claustra</i>	16/ 34 - 21
2.	<i>Panaduz</i>	16/ 35 - 18
3.	<i>Trun</i>	10/ 23 - 31
4.	<i>Grüsch</i>	10/ 24 - 30
5.	<i>Flem</i>	08/ 20 - 36

Umens 2. ligia

Sunter ch'ils giuven da Trun han giu dominau il campinadi 2018 ed ein meritadamein vegni promovì en secunda ligia, han ei sentiù la sesiun vargada in vent ualti criu. Ei ha dau - cun ina excepziun - terradas ualti claras. Aschia ch'ei han terminau il campinadi sil davos plaz ed era spiars il giug da relegaziun ordlunder cun 1 : 8 encunter Haldenstein. Per els vala la medema devisa sco per las damas 30+, sche pusseivel contonscher in plaz davontier ella tabella la sesiun vegnenta. In avantatg ha quella tiarza ligia: ei dat ussa dus derbis, numnadamein encunter Sedrun e Danis/Tavanasa.

Resultats

<i>Tusaun</i>	-	<i>Trun</i>	9 : 0
<i>Trun</i>	-	<i>Pizol</i>	0 : 9
<i>Trun</i>	-	<i>Sevelen</i>	0 : 9

Rangaziun

1.	<i>Tusaun</i>	21/ 43 - 17
2.	<i>Pizol</i>	18/ 40 - 22
3.	<i>Sevelen</i>	15/ 33 - 25
4.	<i>Trun</i>	00/ 02 - 54

Relegaziun

<i>Haldenstein</i>	-	<i>Trun</i>	8 : 1
--------------------	---	-------------	-------

45+ Umens 2. ligia

Ina nunspegtada sorpresa negativa per la squadra dils "seniors". La sesiun 2018 aunc spluntau alla porta d'emprema ligia, contonscha l'equipa mo il 3 plaz ella tabella ed ha aschia giu da dar la runda da relegaziun. Il giug decisiv ei staus encunter la squadra da Panaduz. Ina equipa ch'ins haveva ils davos onns battiu pliras gadas claramain ed aschia ei igl optimissem staus gronds. Mo tgei sorpresa. Il davos spiardan ils seniors quei giug cun 3 : 4, bein era cun empau discletg. Aschia ei la curdada en 3 ligia stada inevitabla. Denton han differentas squardas dessistiù da far il pass en secunda ligia. Tenor ina decisiun alla meisa verda sa Trun puspei dar la sesiun proxima en secunda ligia.

Resultats

Trun	-	Schaan	2 : 5
Trun	-	Sevelen	5 : 2
Razén	-	Trun	3 : 4

Rangaziun

1.	Schann	16/ 35 - 15
2.	Razén	12/ 25 - 25
3.	Trun	11/ 26 - 22
4.	Sevelen	03/ 12 - 36

Promoziun

Panaduz	-	Trun	4 : 4
---------	---	------	-------

Rapports dils giugs silla pagina d'internet

La damonda ei schebein nus lein cuntinuar cun quella rubrica era la sesiun proxima? Ei fa mo senn, sche tuttas equipas publicheschan mintgamai lur rapports da giug. Ina outra varianta fuss da metter silla HP mo ils resultats ed ils singuls giugs.

Gliesta da rangaziun singul e dubel 2019

In "deja vu" aber aunc mender che 2018. La sesiun 2018 ha ei dau silmeins treis annunzias aber neginas activitas. La sesiun vargada ei stau mo ina activitad cun in giug denter Erich Decurtins e Gion Petschen aber neginas ulteriuras annunzias. Muort quella desinteressenza ei bein il meglier da metter la gliesta da rangaziun ad acta entochen ch'ei vegn ideas novas ed inovativas co far pli attractiva quella occurrenza.

Seras dil club 2019

Deplorablamein san ins far il medem lamento tier las seras dil club sco per la gliesta da rangaziun. Sulettamein ina sera ei stada occupada fetg bein. Dalla suprastonza essan nus dil meini da schar curdar quei sistem e far eventualmein mo duas seras dil club, lu denton cun uustria e grilladas.

Remarcas

Dalla davosa radunonza generala haiel jeu dau giu igl uffeci da meinaturnier ch'era cumbinaus cun il meinagiug. Quella scharscha da meinaturnier ha il president Erich Decurtins surpriu. Bien engraziament. Per mei ei quei stau in grond levgiament. Denton fuss ei impurtont da saver discargar il meinaturnier dalla lavur cun reparter ils turniers sin pliras personas.

Engraziament

Jeu engraziel als differents capitans dallas equipas d'Interclub ed a mes collegas dalla suprastonza per la fetg buna collaboraziun.

Trun, mars 2020/Silvio Albin, meinagiug